

Bürgerspital — Kaiserliche Widmungsurkunde

Wir Friedreich von gots gnaden Römischer kayser zu allenczeiten merer des Reichs zu Hungern, Dalmatien, Croacien etc. Kunig, Hertzog zu Cesterreich, zu Steir, zu Kernden vnd zu Krain etc. Bekennen für vns vnd vnser erben, daz wir vnseren getreuw den Spitalleuten hie zu Graetz vnd Ihren nachkomen von fleissiger bete wegen vnd sunder gnaden ein Flekh, gelegen zwischen vnser getreuw Fritzen Hofreuwter vnd neben derselben Spitalleut pewnt, stössend mit ein Ort an die Wasserlaen vnd Landstrass und den andern niedern Ort an vnser getrewn Kristoffen Epishauser, vnser Bürger hie zu Graecz, pewnt gegeben haben, vnd geben auch wissentlich mit dem brieve, Also daz sy den nu hinfür peulich Inhaben, nutzen vnd niessen vnd vns davon iarlich zu sand Mertten Tag, in vnser Hubamt hie zway phunt phening dinen, vnd mit dem ersten dienst zu sand Mertten tag schirst(nächst)kunftigen anfahren sullen, ungeverlich. Davon gepieten wir vnsern getrewn Vrban Dieperskircher, vnser Hubmaister, Oder wer kunftlich vnser Hubmaister wirdet, vnd den Erbern (ehrbaren) weisen, der Bürgermaister, Richter, Rat vnd unsern Bürgern gemaineleich hie zu Graetz gegenwurtigen vnd kvnftigen, ernstlich vnd wellen, daz Sy die obbemelten Spitalleut vnd Ir nachkomen bey diesen vnsern gnaden vnd dem berürten Flekh als vorsteet gaenzlich beleiben, vnd Sy des ungeirret gebrauchen vnd geniessen lassen...

Mittichen nach sand lucein (Lucien) tag, 1461.

Franziskaner am Tummelplatz — Schutz-Brieff Kaysers Friederich III.

Wür Friderich von Gottes Gnaden Römiser Kayser zu allen Zeiten Mehrer des Reichs / zu Hungarn / Dalmatien / Croatien / König / Hertzog zu Oesterreich / zu Steyer / zu Kärnthen / undt Crain & Entbietten unsern getreuen lieben Sigmundt Rogendorffer / unsern Rath / undt Verweser unserer Hauptmannschaft in Steyer: oder wer künfftiglich unser Hauptmann / oder Verweser da seyn wird / unser Gnadt / und alles Guet. Wür begehren an dich mit fleiss / empfelchen dir auch ernstlich / ob jemandt / wer der wäre / die ehrbahren Geistlich: unsern lieben andächtigen den Guardian undt Convent Mündter Brüederen Parfotten-Ordens hie zu Grätz in unbillichen weeg nicht bekhümmern / beschwehren / oder ohne ihren Willen auf ihre Gründt / oder an das Gemäuer ihres Closters hie bauen wolte / und du darumb angelangt wurdest / daß du dan diß nicht gestattest; sondern in diß / undt alle Unbilichkeit von unsertwögen vorsehest / undt sie schuttest und schirmest; and an uns dir auch die Closter-Leuth in dem- und andern seithen / darumb sie dich je zu Zeiten anlangen werden / befolchen seyn lassest. Daran du uns thuest guet gefallen / und unsere ernstliche Meynung; Wür wollen dass auch gegen dir gnädiglich erkennen.

Geben zu Grätz am Freytag nach der Heil. dreyen König-Tag nach Christi Geburth im 1467 Jahr.

Hl. Blut — Marienaltar-Weihe 1502

Im Jahr Christi 1502 den Zwelfften Tag des Monats Juny Ist diser Altar geweiht worden von dem Hochwirdigen Vatter vnd Dr. Herrn Nicolao Bischoven zu Ipon Brueder des aufgenommen Ordens der Minoriter, auss besonderer erlaubnuss vnd bewilligung des Hochwirdigen in Christo Vatter vnd Herrn Leonardi Erzbischofen vnd Fürsten zu Saltzburg, Insonderhait zu Ehrn der Allerheiligisten Jungfrauen vnd unbe-

flekhten Gottes gebererin Mariae vnnnd aller heiligen Jungfrauen. Und werden verschlossener in disem altar aufgehalten die undterschribnen Heiligthumb: Ein Holtz von der Schwollen der Zöllen unser Lieben Frauen zu Loret, Von den Windlen unnser Herr Von dem orth da Christus geboren ist, Von den bainern der gesellschaft der eilftausent Junckfrauen, Item der Heiligen Junckfrauen Barbaram, Margaretham, Dorotheam, Catharinam, vnd von Irem Grab, Braxedis vnnnd auch der heiligen Ursulae Insonderhait, Item der Muetter des heiligen Petry des Prediger Ordens, der heiligen Thebeer, der heiligen Evangelisten Marci und Lucae, Item des heiligen Bricy Bischoven vnnnd Beichtigers. Welchen altar zu Ehrn der selligisten Junckfrauen vnd Muetter Gottes Mariae, Herr Christoff Kindsperger, Röm: May: zu Hungern vnd Behaimb Herrn Ferdinandi Erzherzogen zu Oesterreich etc. Hoffzeugamtsgegenschreiber, als ain incorporierter Brueder der Löblichen Fronleichnams Bruederschaft alhi zu Grätz den 8. Decembris Ao. 1618 zu seliger gedächtnus aufrichten vnnnd verneuern lassen.

Weiheurkunde am 1618 erneuerten Altar.

Gotische Hofkirche — Visitation 1545

Erstlich das Beneficium der Fruemess in Sannt Cathrein Cappeln ermellter Pharr, so von der Sreiber Bruederschaft gestiftt worden. Lehensherr Pharrer zu Grätz. Hat sein aigen Capplan Hauss. Sannt Sebastian Stifte hat sein aigen Capplan Hauss. Hat das Beneficium der Capplaney Im Landthauss zu Grätz. So von den Herrn vnnnd Lanndtleutt auf Wolgefallen verlichen. Hat sein Aigen Capplan Hauss.

Hat mer der Kirchaimer Capplaney in der Eggenperger Spital auf Vnnsere Frauen Altar, so von Hanns Khirhaimer gestiftt worden. Lehensherren sein die von Grätz.

Capplaney der von Pernegg, Auf den Zwölff Poten Altar, in der Pharr Khierchen zu Grätz, So von der Frauen Häidweig von Pernegg gestiftt. Lehensherren die von Grätz. Hat ein Aigen Capplan Hauss samt ainen aigenen Weingarten.

Capplaney der Wolfen Stift Auf den Haillig: Dreifaltigkeit Altar in der Pharrkirchen zu Grätz, so von Friderichen Wolfen vnnnd ander seinen Freundt gestiftt. Lehensherren die von Grätz. Hat ain Aigen Capplan Häusl. Sein Tisch hat ein Capplan im Pfarrhoff.

Capplaney des Frue Ambt auf vnnser Frauen Altar In der Pharr daselbst, so von Albrecht Rietenberger Huebmaister zu Grätz gestiftt worden. Lehensherren die von Grätz. Hat ein Aigen Capplan Heusl.

Ein Stift vnnser Frauen Bruederschaft auf Sannt Thomas Altar.

Capplaney der von Winden Stiftt genannt auf aller Heiligen Altar, so von Frauen Anna Herren Hannsen von Liechtenegg Wittib vnnnd Khatarina von Volkherstorff Haussfrauen, baidt Herrn Hannsen von Winden sälligen Töchtern gestiftt worden. Lehensherren die von Grätz.

Capplan der Kessler Stiftt von Herrn merthen Gessler Frueambter zu Grätz gestiftt worden. Lehensherren die von Grätz. Dese Capplaney hat das Beneficium In Sannt Paullus Khirchen vnnnder dem Schlossperg der Statt Grätz, so von einem Pharrer daselbst mit Namen Herrmanus gestiftt worden. Lehensherren die Röm. Khn. Madt. Hat zu dem Beneficium An Sannt Paullsparg Ain Aigen Capplan Hauss.

Capplaney der Frelich Stiftt in der Pharrkirchen zu Grätz, so auf Drey oder Vier mess gestiftt worden. Lehensherr Colman Frölich, Burger zu Grätz. Hat ein Capplanheusl. Hat auch die Capplarej im Gschloss Grätz, so von Herzog von Osterreich gestiftt und erhebt worden. Hat ein Aigen Capplanheusl.